

門或婆羅門不計著彼種姓言論亦不計著族氏言論又不計著自教言論我說此爲真得出離正了知者沙門婆羅門復次白衣彼橋薩羅主勝軍大王見釋種子沙門瞿曇從釋族中捨家出家彼勝軍王於其釋子歡喜慰安恭敬禮拜前起承迎合掌

問訊白衣彼橋薩羅主勝軍大王於佛如來歡喜慰安恭敬禮拜前起承迎合掌問訊者

其王不以沙門瞿曇是高勝族王亦不起高勝族意不以沙門瞿曇相好端嚴王亦不起相好之意不以沙門瞿曇有大名稱王亦不起名稱之意由此應知法尔如是白衣是法

本來最上最大最極高勝如是正見諸法本母是即增上畢竟歸趣

復次白衣若人於我安住正信是人即得堅固增長根本出生不壞淨信何以故謂若沙門若婆羅門若天魔梵三界一切悉是我子皆同一法而無差別正法口生同一法種從

茂七

六

法所化是真法子白衣或有問言汝等一切各各父母種姓族氏何故棄捨返作是言我等皆是沙門釋子白衣當知法尔如是是法本來最上最大最極高勝如是正見諸法本母是即增上畢竟歸趣

佛說白衣金幢二婆羅門緣起經卷上

佛說白衣金幢二婆羅門緣起經卷中

要譯經三藏朝奏奏疏傳法師賜紫沙門護等奉詔譯

復次白衣過極久遠此界壞時當界有情還復往生光音天中過極久遠此界成時別界

有情光音天歿而來生此是諸有情各有身光清淨皎潔騰空而行隨欲能往適悅快樂如意名在以彼有情身有光故世界爾時日月光明悉不出現以其日月光不現故星亦不現星不現故宿亦不現宿不現故亦不分別晝夜殊異以其不分晝夜異故年月日時

亦無差別亦復不分男女形相余時有情法
余自然身光互照

復次白衣彼時大地大水湧現色如酥乳味
如甘蔗又或如蜜香美細妙爲人所食資益
諸根其名地味時一有情於是地味極生愛
樂舉以指端用嘗其味餘諸有情見已亦然

七

起希欲想亦以指端舉嘗其味隨生愛樂余
時有情既於地味極生愛樂而爲所食資養
支體由多食已諸有情身漸覺堅實旋復麤
重以麤重故不能騰空隨欲而往身光隱沒
身光沒故余時大地皆悉冥暗世間乃有日
月出現日月現故星宿亦現始分晝夜既八

晝夜即有年月日時差別

復次白衣彼時有情初食地味其味久時爲
世資養以彼有情貪食多者色相瘦弱若食
少者色相充實時充實者見瘦弱者不知其
故乃作是言汝是瘦弱者我是充實者由此
乃起憍慢之想以是緣故地味隱沒余時有

情見彼地味既隱沒已咸唱是言苦哉苦哉
今此地味何故隱沒

復次白衣地味既沒地餅復生色如食那迦
味如甘蔗又或如蜜香美細妙爲人所食彼
時有情次食地餅久爲資養以彼有情貪食
多者色相瘦弱若食少者色相充實時充實

者見瘦弱者不知其故乃作是言汝是瘦弱
者我是充實者由此乃起憍慢之想以是緣
故地餅隱沒余時有情見彼地餅既隱沒已
咸唱是言苦哉苦哉今此地餅何故隱沒

復次白衣地餅既沒林藤復生如迦龍囉迦
枝有四種色味如甘蔗又或如蜜香美細妙

爲人所食彼時有情後食林藤久爲資養以
彼有情貪食多者色相瘦弱若食少者色相
充實時充實者見瘦弱者不知其故乃作是
言汝是瘦弱者我是充實者由此乃起憍慢
之想以是緣故林藤隱沒余時有情見彼林
藤既隱沒已咸唱是言苦哉苦哉今此林藤

何故隱沒白衣如今時人或有苦法當觸惱時亦唱是言苦哉苦哉

復次白衣林藤既沒香稻復生而此香稻無糠無粃妙香可愛依時成熟旦時刈已暮時還生暮時刈已旦時還生取已旋活中無間絕旦暮二時取其香稻但爲資養不知本因

茂七

八

彼時有情而競貪食以是緣故身轉麤重乃有男女二相差别由此有情互起憎愛以憎愛故互相毀謗又復漸起互相染著此染著因爲過失本又諸有情由毀謗故刀以杖木瓦石互相打擊於是世間乃生非法及不正行白衣如今世人以其童女飾以衆華嚴諸妙服求其異姓而用妻之設此非法以爲正法然於其義都不能知彼時有情亦復如是過去正法今爲非法過去律儀爲非律儀如是漸生諸非法行由起非法行故漸生逼迫

減失厭離旋增懈怠或於一日二日三日乃至一月不住家中不營家業遊行曠野覆藏

過非時有一人性懶惰故不能依時往取香稻乃作是念我今何故受斯苦惱旦時旦時去取香稻暮時暮時還復往取我今若能一日一往併取旦暮二時香稻豈非善耶作是念已即往併取二時香稻

復次白衣時別一人來相謂言汝今同我往

取香稻懶惰者言汝但自往我已取來旦暮二時所食香稻時來喚者乃作是念日取二時所食香稻既爲善者我今何不一往併取二日三日所食香稻作是念已即往併取復次白衣時又一人來相謂言汝今同我往取香稻前人答言汝但自往我已取來二日

茂七

九

三日所食香稻其人余時乃作是念一往併取二日三日所食香稻既爲善者我今何不一往併取四日五日所食香稻作是念已即往併取復次白衣初取香稻無糠無粃香美妙好一懶惰者而爲因故其後漸次展轉多取乃爲

貯積充已受用余時香稻漸生糠粃旦時刈已暮時不生暮時刈已旦時不生不復還活不知其因彼諸有情即共集會互相議言我等初時各有身光騰空而行快樂自在以身光故日月星宿光明不現亦不分別晝夜殊異年月日時亦無差別亦復不分男女形相法余有情身光互照是時大地大水湧現色如酥乳味如甘蔗又或如蜜香美細妙爲人所食資益諸根其名地味時一有情見極生愛舉以指端用嘗其味餘諸有情見已亦然皆嘗其味咸生愛樂我等余時用爲所食資養支體於是地味貪食既多我等身支漸覺羸重以是緣故不能騰空隨欲而往身光隱沒由是世界皆悉冥暗余時乃有日月星宿光明出現始分晝夜年月日時亦有差別是時地味我等所食久爲資養貪食多者色相瘦弱若食少者色相充實時充實者見瘦弱者起惱慢想以是緣故地味隱沒地餅復生

甘美細妙色香具足我等所食久爲資養貪食多者色相瘦弱若食少者色相充實時充實者見瘦弱者起惱慢想以是緣故地餅隱沒林藤復生甘美細妙色香具足我等所食久爲資養貪食多者色相瘦弱若食少者色相充實時充實者見瘦弱者起惱慢想以是緣故林藤隱沒香稻復生余時香稻無糠無粃妙香可愛旦時刈已暮時還生暮時刈已旦時還生我等所食但爲資養不知本因貪食既多滓穢旋礙余時乃有男女相異後起憎愛互相毀謗又復漸生互相染著此染著因爲過失本我等余時互毀謗故杖木瓦石互相打擊於是世間乃生非法起非法故漸生逼迫減失厭離旋增懈慢一日二日乃至一月不住家中不營家業遊行曠野覆藏過非時有一人性懶惰故不能依時往取香稻乃作是念我今何故受斯苦惱旦時旦時去取香稻暮時暮時還復往取我今宜應一日

一往併取旦暮二時香稻作是念已即往併取時別一人來相謂言汝今同我往取香稻懶惰者言汝但自往我已取來一時香稻其人爾時乃作是念二時香稻取為善者我今一往當取二日三日香稻作是念已即往併取時又一人來相謂言汝今同我往取香稻

則人答言汝但自往我已取來三日香稻其人爾時乃作是念三日香稻取為善者我今一往當取四日五日香稻作是念已即往併取汝等當知初取香稻無糠無粃後漸多取以爲貯積爾時香稻漸生糠粃旦時刈已暮時不生暮時刈已旦時不生不復還活不知

其因我等今時宜應普以一切地界均布分擘各爲齊限此是汝地界此是我地界彼諸人衆互相議已即分地界立爲齊限

佛言白衣爾時人衆分地界已時有一人取取香稻艱難所得即作是念我今云何能得所食云何令我養活其命我今自分香稻將

茂七

十一

盡他界雖有然彼不許我今須往盜其少分作是念已以已香稻密固護之即往他界竊取香稻其主見已告盜人言咄汝盜人何故來此竊我香稻盜人答言我不如是不曾取汝界中香稻復次前人於第二時往取香稻亦復難得又

生前念我今云何能得所食云何今我養活其命我今自分香稻將盡他界雖有然彼不許我今須往盜其少分作是念已以已香稻密固護之即往他界竊取香稻其主復見於第二時還來盜已又復告言咄汝盜人何故復來竊我香稻盜人答言我不如是不曾取

汝界中香稻

佛說白衣金幢二婆羅門緣起經卷中

佛說白衣金幢二婆羅門緣起經卷下

粟譯經藏經卷第十二